



Universitätsbibliothek Paderborn

**Diatribai De Primis Veteris Frisiae Apostolis, Sive
Dissertationes, quibus eoru[m] anni, actus, res,
personae, loca, tempora in eorundem actis occurrentia,
discutiuntur, illustrantur, erroresque ab ...**

Bosschaerts, Willibrord

Mechliniae, 1650

81. Cur S. Willibrordus Ecclesiam non dedicarit honori primorum
Apostolorum Petri & Pauli? Cur Martini? Cur non S. Thomae?

urn:nbn:de:hbz:466:1-10958

*fit monasterium, cum in eo semper Canonici & numquam Monachi
resederint, nisi id alio in loco (lib. 1. de Canonicis cap. 12.) expedi-
sum esset opportunius.* Hæc Molanus diligentissimus Cano-
nicalis siue Clericalis vitæ explorator & descriptor. Et
sat de hac dissertatione, quam fusius protraxi vt infor-
marem eos qui priscum Ecclesiasticorum statum igno-
rant.

DISSERTATIO LXXXI.

Cur S. Willibrordus Ecclesiam non dedi-
carit honori primorum Apostolorum
Petri & Pauli? Cur Martini? Cur
non S. Thomæ?

Frequentissimè olim Apostolici Gentium Prædi-
catores primas Ecclesias instituerunt in honorem
primorum Apostolorum. Quoniam enim Aposto-
licam vitam functionesque agebant, primarios
Apostolos tanquam Patronos sibi initio propone-
bant: eorum precatione opera sua rigari, promoueri,
augeri flagitabant: hoc ritu veram fidem, quam illi à
Christo didicerant, mundoque annuntiarant, se infer-
re significabant. Cur eos non est imitatus S. Willibror-
dus? Cur saltem non potius in honorem S. Thomæ, quam
Martini, Ecclesiam dedicarit, cum destructa, super cuius
fundamenta ædificabat, antea S. Thomæ fuerit? Respon-
detur, arbitrarium omnino fuisse & liberę optionis. S.
Willibrordus interim erigendo Basilicam in memoriam
S. Crucis vel Saluatoris summum Patronum Apostolicę
virtutis, quique eminentiori modo fuit & est Apostolus,
sibi præfixit, à quo omnis prædicantium gratia, à quo fi-
dei

dei initium & omnis salus, eo facto satis ostendit cuius fide-
dem adferret, & in quem credere oporteret. Quod &
S. Martino templum nuncupauerit potius quam Sancto
Thome, Congruentia possunt reddi, quia S. Martini apud
Deum potentia, energia, Sanctitas per crebra miracu-
la summopere eo tempore in Francia manifestabantur: ad
eius sepulchrum Turonos densissimè concurrebatur, plu-
rimis ab ipso speciale erat auxilium, ita vt tota Gallica
Natio in eius cultum quam maximè ferueret. Vnde tam
potentem Aduocatum, qui & in vita insignis Apostolus
existit, in Frisia agro elaborando conciliare sibi voluit S.
Willibrordus, sperans simul tam Gentilibus quam con-
uersis Frisijs gratissimum fore eundem qui celeberrimis
factis & recentibus erat nominatissimus & notissimus;
noua singularia placent & alliciunt. Deinde Præsidarij
Traiecto à Pipino impositi, erant Franci, quibus non
potuit non accepta esse domestici tutelaris electio. Nec
prisco sæculo, nec nostro nouum est in oblitteratam præ-
sertim memoriam, qualis erat Traiecti S. Thomæ, alte-
rius substituere, & templorum patronos mutare. Petrus
Opmerius supra addit hanc: vt viri militaris (S. Marti-
ni) exemplo, efferat Gentes (Frisiorum) ad obedientiam
fidei excitarentur, receptæque semel credulitati firmiter,
vt ille, inhererent.

M m 2 DISSERT -